



Na osnovu čl. 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa čl. 5. i 6. Zakona o organizaciji penzijskog i invalidskog osiguranja Federacije Bosne i Hercegovine ("Službene novine Federacije BiH", br. 49/00, 32/01 i 18/05) i Odlukom Vlade Federacije Bosne i Hercegovine o kriterijima za imenovanje članova Upravnog odbora Federalnog zavoda za penzijsko i invalidsko osiguranje ("Službene novine Federacije BiH", broj:76/23), Ministarstvo za rad, socijalnu politiku, raseljena lica i izbjeglice Kantona Sarajevo, raspisuje

**OGLAS ZA NOMINIRANJE KANDIDATA
NA POZICIJU ČLANA UPRAVNOG ODBORA FEDERALNOG ZAVODA ZA PENZIJSKO
I INVALIDSKO OSIGURANJE ISPRED KANTONA SARAJEVO**

Oglašava se pozicija u Federalnom zavodu za penzijsko i invalidsko osiguranje:

- član Upravnog odbora ispred Kantona Sarajevo - 1 član

Upravni odbor vrši sljedeće poslove:

- a) donosi Statut i druga opšta akta Federalnog zavoda;
- b) donosi finansijski plan, usvaja godišnji obračun i izvještaj o radu Federalnog zavoda;
- c) utvrđuje stope doprinosa u okviru ovlasti iz Zakona o penzijskom i invalidskom osiguranju Federacije BiH ("Službene novine Federacije Bosne i Hercegovine", br. 13/18 i 60/21 19/22), uz saglasnost Vlade Federacije Bosne i Hercegovine;
- d) utvrđuje osnovice za obračun i uplatu doprinosa koji nisu propisani Zakonom o doprinosima Bosne i Hercegovine ("Službene novine Federacije Bosne i Hercegovine", broj: 35/98) i Zakonom o penzijsko invalidskom osiguranju Federacije Bosne i Hercegovine;
- e) imenuje i razrješava direktora i zamjenika direktora Središnje i kantonalnih službi;
- f) imenuje komisije i druga radna tijela Upravnog odbora;
- g) uređuje organizaciju Središnje i kantonalnih službi, sistematizaciju poslova i broj izvršitelja poslova u tim službama;
- h) brine se o blagovremenom pristicanju sredstava za penzijsko i invalidsko osiguranje;
- i) ima odgovornost da održi fiskalni balans i ne dopusti stvaranje obaveza prema korisnicima bilo novčanih ili u vidu vrijednosnih papira koje ne može pokriti iz prihoda;
- j) zaključuje po potrebi ugovore s nositeljima penzijskog i invalidskog osiguranja Republike Srpske;
- k) vrši i druge poslove u skladu sa Zakonom, Statutom i drugim opštim aktima Federalnog zavoda.

Član Upravnog odbora imenuje se na period od dvije godine. Predsjedniku i članu Upravnog odbora mandat se može obnoviti.



Članu Upravnog odbora pripada mjesečna naknada do iznosa propisanog Zakonom o plaćama i drugim materijalnim pravima organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine ("Službene novine Federacije BiH", broj: 12/09).

Za člana Upravnog odbora može biti izabran kandidat koji ispunjava sljedeće opšte uslove:

- da je državljanin Bosne i Hercegovine (dokaz: Uvjerenje o državljanstvu ne starije od šest mjeseci),
- da je stariji od 18 godina (dokaz: Izvod iz matične knjige rođenih),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije (dokaz: Izjava ovjerena od nadležnog organa ne starija od šest mjeseci),
- da nije obuhvaćen odredbama člana IX. 1. Ustava Bosne i Hercegovine (dokaz: Izjava ovjerena od nadležnog organa ne starija od šest mjeseci),
- da nije izabrani stranački zvaničnik, nosilac javne funkcije, savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08), (dokaz: Izjava ovjerena od nadležnog organa ne starija od šest mjeseci).

Pored opštih uslova kandidat za člana Upravnog odbora mora ispunjavati i sljedeće posebne uslove:

- da posjeduje univerzitetsku diplomu (VII stepen), odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja (dokaz: Diploma o završenoj školi),
- da u pogledu radnog iskustva ima najmanje 5 (pet) godina na poslovima visoke stručne spreme, po sticanju fakultetske diplome u oblasti javnih finansija, posebno u oblasti penzijskog i invalidskog osiguranja (dokaz: potvrda o radnom iskustvu u oblasti javnih finansija),
- da nema privatni finansijski interes u Federalnom zavodu za penzijsko i invalidsko osiguranje u čiji se Upravni odbor kandiduje (dokaz: Izjava ovjerena od nadležnog organa ne starija od šest mjeseci),
- da nije predsjednik ili član Nadzornog ili Upravnog odbora u drugom pravnom licu sa većinskim državnim kapitalom (dokaz: Izjava ovjerena od nadležnog organa ne starija od šest mjeseci),
- da nije u prethodna dva mandata uzastopno bio imenovan u Upravni odbor Federalnog zavoda za penzijsko i invalidsko osiguranje

Prilikom procjene kvalifikacije i iskustva u obzir će se uzeti i sljedeći kriteriji:

- rezultati ostvareni u dosadašnjem radu,
- sposobnost upravljanja finansijskim sredstvima i ljudskim resursima,
- sklonost prema timskom radu,
- komunikacijske i organizacijske sposobnosti.

Kandidat je dužan uz Prijavu na Oglas, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata kojima se dokazuje ispunjavanje opštih i posebnih uslova traženih Oglasom.

Oglas će biti objavljen u "Službenim novinama Federacije BiH", u jednim dnevnim novinama koje se distribuiraju na području Bosne i Hercegovine i na web stranici Ministarstva za rad, socijalnu politiku, raseljena lica i izbjeglice Katnoan Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

Prijave se podnose Vladi Kantona Sarajevo putem Ministarstva za rad, socijalnu politiku, raseljena lica i izbjeglice Kantona Sarajevo, na adresu: Sarajevo, ul. R. Dž. Čauševića broj 1., prizemlje (pisarnica) uz naznaku: "Prijava na Javni oglas za nominiranje kandidata na poziciju člana Upravnog odbora Federalnog zavoda za penzijsko i invalidsko osiguranje".

Rok za podnošenje prijava je 15 (petnaest) dana od dana posljednjeg objavljivanja.

Neblagovremene i nepotpune prijave neće se uzeti u razmatranje.

Svi kandidati koji budu stavljeni na listu sa užim izborom biće pozvani na intervju.

Podnosioci prijava sa kojima se ne stupa u kontakt u određenom roku, a nakon roka za podnošenja prijava neće biti uzeti u razmatranje u daljem procesu imenovanja.

Vlada Kantona Sarajevo će imenovati komisiju za izbor u skladu sa članom 9. Zakona o ministarskim, vladinim i drugim imenovanjima Federacije Bosne i Hercegovine, koja će provesti postupak predviđen zakonom i sačiniti rang listu najuspješnijih kandidata.

Nominiranje/imenovanje kandidata za člana Upravnog odbora izvršit će Vlada Kantona Sarajevo na osnovu sastavljene liste povoljno ocijenjenih kandidata, a člana Upravnog odbora konačno će imenovati Vlada Federacije Bosne i Hercegovine.

Kandidat koji bude izabran dužan je Vladi Kantona Sarajevo u roku od 30 dana od dana izbora dostaviti:

- Uvjerenje da nije osuđivan za krivično djelo, izdato od nadležnog ministarstva unutrašnjih poslova, koje nije starije od 3 mjeseca
- Uvjerenje da se protiv kandidata ne vodi krivični postupak, izdato od nadležnog općinskog suda, koje nije starije od 3 mjeseca

Broj: 13-04-27493/24
Sarajevo, 07.05.2024. godine



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

3/3

